



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH,, br. 12/03, 34/03 i 65/13), člana 3. Odluke o osnivanju Skupštine Javnog komunalnog preduzeća "Vodostan" Ilijaš („Službene novine Kantona Sarajevo“ br: 33/09), člana 9. Odluke o usklađivanju statusa Javnog komunalnog preduzeća "Vodostan" Ilijaš sa Zakonom o javnim preduzećima u Federaciji BiH („Službene novine Kantona Sarajevo“ br: 32/05 i 33/09), člana 2. Odluke o standardima i kriterijima za imenovanje na pozicije predsjednika i članovba Skupštine JKP "Vodostan" d.o.o. Ilijaš („Službene novine Kantona Sarajevo“ br: 35/09), člana 3. stav 4. Statuta Javnog komunalnog preduzeća „Vodostan“ doo Ilijaš („Službene novine Kantona Sarajevo“ br: 10/06) i Odluke o pokretanju postupka za izbor predsjednika i članova Skupštine JKP "Vodostan" doo Ilijaš i kriterijima za imenovanje istih br. 01/2-11-919/26 od 31.03.2026. godine, Općinski načelnik raspisuje:

JAVNI OGLAS
za izbor i imenovanje predsjednika i članova Skupštine
Javnog komunalnog preduzeća „Vodostan“ doo Ilijaš

I Predmet javnog oglasa

Objavljuje se Javni oglas za izbor i imenovanje predsjednika i 2 (dva) člana Skupštine Javnog komunalnog preduzeća "Vodostan" doo Ilijaš (u daljem tekstu: Skupština preduzeća).

II Nadležnosti Skupštine preduzeća

Skupština preduzeća je nadležna da:

- donosi Statut preduzeća i izmjene i dopune Statuta;
- odlučuje o raspodjeli godišnje dobiti;
- odlučuje o načinu pokrivanja gubitaka;
- odlučuje o povećanju i smanjenju osnovnog kapitala;
- odlučuje o osnivanju novih preduzeća;
- odlučuje o poslovanju preduzeća;
- odlučuje o trajnoj poslovnoj saradnji, odnosno o povezivanju sa drugim preduzećima;
- donosi etički kodeks preduzeća;
- odlučuje o imenovanju i razrješenju Nadzornog odbora;
- odlučuje o imenovanju i razrješenju Odbora za reviziju;
- usvaja godišnji izvještaj preduzeća, koji uključuje finansijski izvještaj i izvještaj revizora, Nadzornog odbora i Odbora za reviziju;
- odlučuje o promjeni oblika i podjeli preduzeća;
- odlučuje o naknadama članovima Nadzornog odbora i Odbora za reviziju;
- odlučuje o spajanju s drugim društvima i pripajanju drugih društava preduzeću;
- odlučuje o prestanku preduzeća sa provođenjem likvidacije i o odobravanju početnog likvidacionog bilansa i završnog računa po okončanju postupka likvidacije;
- odlučuje o poslovniku o radu nadzornog odbora i odbora za reviziju;
- odobrava trogodišnji plan poslovanja, odnosno odobrava revidirani plan poslovanja;
- odlučuje o ostvarivanju zahtjeva preduzeća prema članovima uprave i nadzornog odbora u vezi sa naknadama štete nastale pri osnivanju, kupovini ili vođenja poslovanja preduzeća;
- podnose izvještaje o radu i poslovanju preduzeća Općinskom vijeću, jednom godišnje;

- daje saglasnost nadzornom odboru za izbor i imenovanje direktora preduzeća;
- odlučuje o cijeni usluga, na prijedlog uprave;
- odlučuje o drugim pitanjima utvrđenim zakonom i statutom.

III Mandat Skupštine preduzeća

Predsjednik i članovi Skupštine preduzeća imenuju se na period od 4 (četiri) godine.

Predsjednik i članovi Skupštine preduzeća imaju pravo na naknadu za svoj rad, koja se utvrđuje posebnom odlukom Općinskog načelnika, a na prijedlog nadležne komisije Općinskog vijeća.

IV Opći i posebni uslovi

Kandidati za predsjednika i članove Skupštine preduzeća moraju ispunjavati opće i posebne uslove.

Kandidati moraju ispunjavati sljedeće opće uslove :

- da je stariji od 18 godina,
- da je državljanin Bosne i Hercegovine,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u razdoblju od 3(tri) godine prije dana objave javnog oglasa,
- da se na kandidata ne odnosi član IX 1. Ustava Bosne i Hercegovine,
- da nije na funkciji u političkoj stranci,
- da nema privatni/finansijski interes u preduzeću,
- da nije osuđivan za krivična djela i privredni prijestup nespojiv sa dužnošću u Skupštini preduzeća 5 (pet) godina od pravosnažnosti presude, isključujući vrijeme zatvorske kazne,
- da protiv kandidata nije izrečena zaštitna mjera vršenja poziva, djelatnosti ili dužnosti iz nadležnosti Skupštine preduzeća,
- da se protiv kandidata ne vodi krivični postupak,
- da nije direktor ili član uprave preduzeća,
- da nije član upravnog ili nadzornog odbora u drugom preduzeću ili instituciji.

Kandidati moraju ispunjavati sljedeće posebne uslove :

- da ima visoku stručnu spremu (VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja a koji se vrednuje najmanje sa 240 ECTS bodova),
- da ima najmanje 5 (pet) godina radnog iskustva, nakon sticanja visoke stručne spreme,
- da posjeduje znanja i sposobnosti razumijevanja poslovnih izvještaja i propisa koji se primjenjuju na rad i poslovanje iz oblasti djelatnosti preduzeća, poznavanje prava i ukupnog zakonodavstva na području djelovanja Skupštine preduzeća,
- da posjeduje sposobnosti za savjesno, odlučno i odgovorno obavljanje pozicije i sposobnost samostalnog i nepristrasnog donošenja odluka,
- da su naklonjeni timskom radu, da ima izražene komunikacijske i organizacijske sposobnosti i sposobnosti upravljanja finansijskim i ljudskim resursima,
- da ima pozitivne rezultate u radu ostvarene tokom karijere (dokaz preporuka, potvrda ili uvjerenje poslodavca).

V Potrebna dokumentacija

Kandidati su dužni uz prijavu koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata ne starije od 3 (tri) mjeseca i to :

1. Izvod iz matične knjige rođenih;
2. Uvjerenje o državljanstvu (ne starije od 6 (šest) mjeseci);
3. Dokaz o stručnoj spremi (ovjerena fotokopija diplome o završenom visokom obrazovanju mora sadržavati napomenu da izvornik - diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica. Sve ovjerene fotokopije diploma koje ne budu dostavljene na navedeni način bit će odbačene kao neuredne)
4. Uvjerenje o radnom stažu (dokaz o radnom stažu dostaviti na obrascu Uvjerenja o radnom stažu, a izuzetno se može dostaviti i drugi dokument pod uslovom da sadrži sve podatke koji su propisani obrascem uvjerenja)
5. Potpisanu i ovjerenu izjavu od strane nadležnog općinskog organa kojim kandidat potvrđuje sljedeće (izjavu preuzeti na web strani općine : www.ilijas.ba) :
 - da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u razdoblju od 3 (tri) godine prije dana objave javnog oglasa,
 - da se na kandidata ne odnosi član IX 1. Ustava Bosne i Hercegovine,
 - da nije na funkciji u političkoj stranci,
 - da nema privatni/finansijski interes u preduzeću,
 - da nije osuđivan za krivična djela i privredni prijestup nespojiv sa dužnošću u Skupštini preduzeća 5 (pet) godina od pravosnažnosti presude, isključujući vrijeme zatvorske kazne;
 - da protiv kandidata nije izrečena zaštitna mjera vršenja poziva, djelatnosti ili dužnosti iz nadležnosti Skupštine preduzeća,
 - da se protiv kandidata ne vodi krivični postupak,
 - da nije direktor ili član uprave preduzeća,
 - da nije član upravnog ili nadzornog odbora u drugom preduzeću ili instituciji.
6. Potpisanu i ovjerenu izjavu od strane nadležnog općinskog organa o davanju saglasnosti za obradu i objavu ličnih podataka kandidata (izjavu preuzeti na web strani općine : www.ilijas.ba),

Kandidati koji budu izabrani na poziciju predsjednika i članova Skupštine preduzeća, a prije konačnog imenovanja, u roku od 15 dana, dužni su dostaviti dokaze u obliku Uvjerenja:

- da kandidat nije osuđivan za krivična djela i privredni prijestup nespojiv sa dužnošću na poziciju predsjednika i članova Skupštine preduzeća 5 (pet) godina od pravosnažnosti presude isključujući vrijeme zatvorske kazne i
- da protiv kandidata nije izrečena zaštitna mjera vršenja poziva, djelatnosti ili dužnosti i uvjerenja da se protiv njega ne vodi krivični postupak.

U slučaju da izabrani kandidati ne dostave navedene dokaze u ostavljenom roku, biti će izabrani sljedeći najuspješniji kandidati sa liste uspješnosti kandidata.

VI Ostale napomene

Svi kandidati koji budu stavljeni na rang listu sa užim izborom bit će pozvani na intervju. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije i popuniti obrazac u kojem će iznijeti bilo koje pitanje koje bi moglo dovesti do sukoba interesa ukoliko dođe do njihova imenovanja (obrazac i izjavu preuzeti na web strani općine : www.ilijas.ba).

Kandidati sa kojima se ne stupa u kontakt u roku od 10 (deset) dana od isteka roka za podnošenje prijava neće biti uzeti u razmatranje u daljem procesu kandidovanja.

Sve informacije u toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka Bosne i Hercegovine („Službeni glasnik BiH“ br: 12/25).

Kandidate koje nakon intervjua preporuči Komisija za izbor, smatrat će se da su najuspješnije prošli otvorenu konkurenciju, a Općinski načelnik će izvršiti izbor i imenovanje i obezbijediti javno objavljivanje konačnih imenovanja na upražnjene pozicije.

Bilo koji kandidat ili bilo koje lice-član javnosti slobodno je podnijeti prigovor na konačno imenovanje ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima Federacije Bosne i Hercegovine.

VII Podnošenje prijava

Javni oglas će biti objavljen u „Službenim novinama Federacije BiH,, web stranici Općine Ilijaš (www.ilijas.ba) i Oglasnoj ploči Općine Ilijaš, a obavjest o objavljenom Javnom oglasu u dnevnom listu „Oslobođenje“.

Rok za podnošenje prijave na Javni oglas je 15 dana od dana objavljivanja u „Službenim novinama Federacije BiH,,.

Nepotpune i neblagovremene prijave neće se uzeti u razmatranje.

Prijavu na Javni oglas za izbor i imenovanje kandidata za pozicije predsjednika i članova Skupštine preduzeća u zatvorenoj koverti sa svim traženim dokumentima treba dostaviti lično ili poštom preporučeno na adresu:

**Općina Ilijaš, ul. 126. Ilijaške brigade broj 16 . Ilijaš (protokol- prizemlje)
KOMISIJA ZA IZBOR I IMENOVANJE NA POZICIJU PREDsjedNIKA I ČLANOVA
SKUPŠTINE JKP „VODOSTAN“ DOO ILIJAŠ**

uz naznaku: »Prijava za izbor predsjednika i članova skupštine JKP „Vodostan“ doo Ilijaš«

Na poledini koverta navesti ime i prezime podnosioca prijave, adresu i kontakt telefon.

Broj: 01/2-11-919/26
Ilijaš, 02.04.2026. godine

